



ԱՌՅԱ ՕՀԱՆՅԱՆ

ՀՊՏՀ Վիլիսովկայութեան և հայոց պատմութեան ամբիոնի դոցենտ,
Վիլիսովկայական գիտությունների թեկնածու

ԳՈՐԾԱՐԱՐԻ ԱՆՁՆԱՅԻՆ ԴԻՄԱՆԿԱՐԸ ՓԻԼԻՍՈՓԱՅԱՀՈԳԵԲԱՆԱԿԱՆ ՎԵՐԼՈՒԾՈՒԹՅՈՒՆ

Սոցիալական կյանքի արևտրայնացումը դդրծել է հետխորհրդային ժամանակակից հասարակության արդիականացման հիմնական գծերից մեկը: Այս համատեքստում <<-ում ծնավորվող գործարարությունը ոչ միայն սոցիալ-տնտեսական երևոյթ է, այլև անձնային տեսակ, որը, լինելով ինքնատիպ «փիլիսոփայության» կրող, օժտված է հոգեբանական որոշակի հատկանիշներով: Այդ հատկանիշների ուսումնասիրությունը հասուն հետաքրքրություն է ներկայացնում ժամանակակից սոցիալ-հոգեբանական և տնտեսական գիտությունների համար, քանի որ դրանց հետ է կապված գործարարության հաստությունը համար, պահի որ դրանց հետ է կապված գործարարության հաստությունը՝ պատկերացումների ու նորմերի համակարգը, որը տնտեսական գործունեությանը պարտադրում է որոշ սահմանափակումներ, որոնք ուղղակիորեն չեն արնչվում տնտեսական նպատակահարմարությանը, արդյունավետությանը կամ շահույթին:

Հիմնարարեր. գործարար, հոգեբանական դիմանկար, անծնային որակներ, ղեկավար, շարժարիթ

JEL: Y8, Y80, Y9

Ժամանակակից հասարակությունում շուկայական տնտեսական համակարգի առաջընթացն ու շարժունությունն ապահովող կենտրոնական կերպարներից է գործարարը: Հյայսատանում, ինչպես նաև հետխորհրդային մյուս երկրներում ձևավորվել է սկզբունքորեն նոր սոցիալական կառուցվածք, որտեղ երևան են եկել խորհրդային հասարակությանն անծանոթ տնտեսավարող սուբյեկտներ, որոնք շուկայական տնտեսության օրենքների տիպական մարմնավորումն են:

Ինչպես յուրաքանչյուր անհատ, այնպես էլ գործարարը ձգտում է նպաստավոր տպավորություն թողնել և շրջապատողների կողմից սեփական գործողությունների հավանությանն արժանանալ: Մեծ բիզնեսի, կյանքի բոլոր կողմերի քաղաքականացման ժամանակը ծնել է նաև նոր պահանջ՝ «ապրել բոլորի աչքի առաջ»: Սոցիալական աստիճանակարգության մեջ սեփական հարգը բարձրացնելու համար անհրաժեշտ է աշխատել սեփական կերպարի վրա, որի ձևավորման առաջին փուլը կապված է ինքնազնահատականի բարձրացման հետ, իսկ երկրորդ փուլը վարվելակարգի դաստիարակությունն է, բարեկիրթ, վայելու լինելու, լսարանի վստահությանն արժանանալու կարողությունը¹: Դրա հետ կապված՝ վերջին ժամանակներս մեր կյանք է ներխուժել «իմիջ» (անգլ. թարգմ.՝ կերպար, վարկանիշ, հեղինակություն) բառը. «Իմիջն անձի կամ կազմակերպության ընդհանրացված դիմանկարն է, որը ստեղծվում է հանրության խմբերի պատկերացման մեջ անձի կամ կազմակերպության հայտարարությունների ու գործերի հիման վրա և հասարակական կամ անհատական գիտակցության մեջ ձևավորում է անձի կամ կազմակերպության նկատմամբ հոգական վերաբերմունք»²: Իմիջն ինքնաներկայացում է, մյուսների համար սեփական կերպարի կերտումը: Գործարարի առնչությամբ դա նրա բարոյաանձնային, մտավոր, մասնագիտական որակների գնահատականն է շրջապատող մարդկանց կողմից:

Գործարարի հոգեբանական դիմանկարի ստեղծման առաջին փորձերից մեկը ծերնարկել է գերմանացի տնտեսագետ, սոցիոլոգ Վերներ Շոմբարտը³, ով համարում էր, որ գործարարը պետք է օժուված լինի նվաճողի, կազմակերպչի և առևտրականի որակներով.

Աղյուսակ 1

Գործարարի հոգեբանական դիմանկարն ըստ Վ. Շոմբարտի

ՆՎԱԾՈՂԻ ՈՐՍԿՆԵՐ	ԿԱԶՄԱԿԵՐՊՈՒՅԻ ՈՐՍԿՆԵՐ	ԱԼԵՎԿՏՐԱԿԱՆԻ ՈՐՍԿՆԵՐ
Հոգևոր ազատություն, կամք ու էներգիա, համառություն, կայունություն	Մարդկանց ճիշտ գնահատելու, նրանց գործողություններն ուղղորդելով՝ աշխատել ստիլելու ընդունակություն	Առանց պարտադրանքի մարդկանց հավաքագրելու, իրենց արտադրանքի հանդեպ նրանց մեջ հետաքրքրություն առաջանելու, վստահություն ներշնչելու ընդունակություն

Լրացնելով այս բնութագիրը՝ շվեդ տնտեսագետ, ժամանակակից մրցակցային ռազմավարության հետազոտող Բենգտ Կառլոֆը համարում է, որ ժամանակակից գործարարի հիմնական առանձնահատկություններն են.

- նախընտրում է ինքնուրույն կայացնել որոշումներ,
- նորի հանդեպ ընկալունակ է, միտված է արյունքների ստացմանը,
- բաց է կառուցղական քննադատության ու գովասանքի համար,
- սիրում է արագ զարգացում և նորանուծություններ,
- գործարարության միջավայրում, բիզնեսն ընդլայնելիս իրեն զգում է «ասես ծուկը ջրում»,

¹ Տե՛ս Ս. Օհանյան, Ա. Մալքյան, Գործարարի անձնային որակները // URL:
<http://media.asue.am/upload/Ohanyan.pdf>

² Семинов А., Имидж делового человека. М., 2014, с. 66.

³ Այդ մասին ավելի մանրանասն տես Յոմբարտ Յ., Բորյու: этюды по истории духовного развития современного экономического человека. М., 2004:

- ծայրահեղ խստապահանց է իր և իր գործընկերների ընդունակությունների հանդեպ⁴:

Արևմտյան հետազոտողների տվյալների համաձայն՝ խոշոր գործարարները սովորաբար նախընտրում են մեծամաշտար որոշումներ, հակված են գործելու մտածված ու արագ՝ կողմնորոշվելով ընկերության վերակազմակերպմանը, բիզնեսի ուղղվածության փոփոխությանը և այլն: Այդպիսի գործարարը ոչ այնքան որոշակի մասնագիտություն ընտրած անհատ է, որքան անձնային տիպ, որի բնութագրերն են անկախության ու իշխանության ձգտումը, նոր հնարավորությունների որոնումը, նախաձեռնողականությունը, նպատակառիվածությունը, մարդկանց կազմակերպելու և ռեսուրսները բաշխելու ընդունակությունը, վտանգի թույլ զգացումը, վարչարարական գործողությունների հանդեպ անհանդուժողականությունը, իր վրա պատասխանատվություն վերցնելու վախի բացակայությունը:

Մանր ու խոշոր բիզնեսի արևմտյան ներկայացուցիչների հոգեբանական դիմանկարների համեմատությունը ցույց է տալիս, որ վերջիններս օժտված են ավելի բարձր ինտելեկտով, ավելի համար են, քիչ են հակված հետևելու խմբային հասարակական նորմերին, օժտված են ավելի հարուստ երևակայությամբ, մտածողության ձկունությամբ ու ինքնուրույնությամբ: Խոշոր բիզնեսի ներկայացուցիչների մեջ առանձնանում է «ներամփոփ, ստեղծագործող դեկավարի» անձնային տեսակը: Այս մարդիկ հուզականորեն կայուն են, ձգտում են իշխել շրջապատողների վրա, չեն ընդունում հեղինակություններ, ակտիվ են ու համարձակ, օժտված են զարգացած վերացական մտածողությամբ, կազմակերպչական ընդունակություններով: Դեկավարի կազմակերպական ներուժը, որպես անձնային որակ, դրսորվում է ինքն իր ու մյուս մարդկանց հետ նրա հարաբերությունների համակարգում⁵:

Գոյություն ունի ենթականների հետ դեկավարի համագործակցության երկու մեթոդ: Այսպես կոչված «քացասական ամրապնդման» էությունը ենթականների գործունեության բացասական կողմերի որոնումն է: Այս մեթոդը վաղուց են օգտագործում իշխանությամբ օժտված մարդիկ: Դա իսկապես փոխում է մարդկանց վարքը, բայց հանգեցնում է աշխատանքից խուսափելուն և երկու կողմի ոգեշնչման նվազմանը: Բոլոր նրանք, ում երբեք դեկավարել են, ընդունում են, որ ենթականների աշխատանքն ամենավատը վարձատրում է այն դեկավարը, ով ընդհանրապես չունի նրանց հետ հետադարձ կապ: Աշխատողը գգում է իր աշխատանքի վերաբերյալ արձագանքի պակաս և ժամանակի ընթացքում կորցնում է հետաքրքրությունը դրա հանդեպ: Հակառակ մոտեցման դեպքում, որը հոգեբաններն անվանում են «դրական ամրապնդում», որոնվում են մարդու աշխատանքի օգտակար կողմերը, և խրախուսվում է հենց այդպիսի վարքը: Այս դեպքում դեկավարը հատուկ ջանքեր է գործադրում աշխատանքի մեջ մարդու ներդրման դրական կողմերի բացահայտման ու վարձատրման համար⁶:

⁴ Այդ մասին ավելի մանրամասն տես՝ **Կարլոֆ Բ.**, Դեловая стратегия: Концепция. Содержание. Символы. М., 1991:

⁵ Այդ մասին տես՝ նաև **Ա. Սարգսյան, Ս. Սարգսյան, Ս. Հայրապետյան, Յու. Հովհաննիսյան, Մ. Նիկողոսյան, Ս. Օհանյան, Ա. Մարգարյան**, Բիզնեսի բարոյականության և սոցիալական պատասխանատվության իիմնախնդիրները Հայաստանի Հանրապետությունում, Եր., 2015 («Ամբերդ» մատենաշար), էջ 79–81:

⁶ Տես՝ **Զ. Գրիգորյան, Դեկավարների աշխատանքի արդյունավետության հոգեբանական գործունները** // «Հանրային կառավարում», 2014, N 5, էջ 215:

Գործարարն առաջին հերթին պետք է առաջնորդ (լիդեր) լինի, քանի որ պետք է իր շուրջը համախմբի մարդկանց և ոգեշնչի նրանց բարձր նպատակի հասնելու համար. «Առաջնորդին կարելի է բնորոշել որպես տվյալ սոցիալական հանրույթում առավել հեղինակավոր անձ, որը կենտրոնական դեր է խաղում համատեղ գործունեության կազմակերպման և խմբում փոխհարաբերությունների կարգավորման մեջ»⁷: Նա հաջողության կիասնի բիզնեսում, միայն եթե կարողանա համոզել իր աշխատակիցներին՝ հասնելու առաջդրանքների կատարման այնպիսի մակարդակի, որը նախկինում նրանց անհասանելի էր թվում: Առաջնորդի այդ ընդունակությունը սերտորեն կապված է այնպիսի որակների հետ, ինչպիսին են լավատեսական պլաներ ստեղծելու, հաջողության հոլուսերն ամրապնդելու, նորարարությունների էլությունը բացատրելու, ճգնաժամային իրավիճակներում կոլեկտիվին համախմբելու ունակությունները: Խորացի փիլիսոփա, հոգեբան Անտոնիո Մենեգատիի կարծիքով՝ առաջնորդն այն մարդն է, ով, բավարարելով սեփական եսափրությունը, բավարարում է հասարակական շահը: Զարգացնելով սեփական գործունեությունը՝ նա բաշխում է նյութական բարիքներն ու աշխատանքով՝ ապահովում հարյուրավոր մարդկանց: Ընդ որում, առաջնորդը գույգահեռաբար խթանում է հասարակական առաջընթացը և աշխատմություն է մնում տնտեսության մեջ⁸: Հասարակության շահերը բավարարելու համար գործարարին անհրաժեշտ է.

- ուսումնասիրել մարդկանց որոշակի խմբի շահերը,
- առաջարկել գոյություն ունեցող շահերի բավարարման կամ առկա խնդիրների լուծման ինչ-որ միջոցներ,
- գործարար ակտիվության շնորհիվ ստանալ սեփական օգուտը՝ լուծելով սոցիալական խնդիրը:

Աղյուսակ 2

Առաջնորդի որակներն ըստ Ա. Մենեգետիի

ՄՏԱՎՈՐ ԾՆՈՒՆԱԿՈՒԹՅՈՒՆՆԵՐ	ԽԱՂՈՆՎԱԾՔԻ ԳԾԵՐ	ՉԵՂՔԵՐՈՎԻ ԿՄՈՂՈՒԹՅՈՒՆՆԵՐ
<ul style="list-style-type: none"> - զարգացած տրամաբանական մտածողություն - խորաքանացություն - մտածողության ինքնատիպություն - հետաքրքրասիրություն - նոր գիտելիքներ և հմտություններ յուրացնելու ընդունակություն - ներքմբրնում (հնուուիցիա) - կրթվածություն 	<ul style="list-style-type: none"> - նախաձեռնողականություն - ձկունություն - ստեղծագործելու հակում - համարձակություն - ինքնավստահություն - հավասարակշռվածություն - ինքնուրույնություն - հավակնութություն - ինքնազնահատակամի համարժեքություն - պարտաճանաչություն - ակտիվություն - հուսալիություն - տիրականություն - աշխատունակություն - անկախություն 	<ul style="list-style-type: none"> - աջակցություն ստանալու կարողություն - համագործակցելու կարողություն - հօչք ու վարկանիշ նվաճելու կարողություն - մտքերն արտահայտելու կարողություն - նրբանկատություն և դիվանագիտություն - ռիսկ և պատասխանատվություն ստանձնելու կարողություն - այլ մարդկանց կազմակերպելու կարողություն - համոզելու կարողություն - հումորը հասկանալու կարողություն - մարդկանց ձանաչելու կարողություն

⁷ Щերբատых Ю., Психология предпринимательства и бизнеса. СПб., 2008, с. 126.

⁸Տես Մենեգетտի Ա., Պсихология лидера. М., 2001, էջ 15:

Ըստ Մենեգեսիի պատկերացումների՝ առաջնորդն օժտված է 3 խումբ որակներով, որոնց մեջ պայմանականորեն կարելի է առանձնացնել մտավոր ընդունակությունները, խաւճածքի գծերը և ծեռքբերովի կարողությունները.

Անձնային որակների այս ոչ լրիկ ցանկը ստիպում է դրանց մեջ փնտրել առավել կարևորները, առանց որոնց գործունեության հաջողությունն էապես կդժվարանա: Գործարարների գործունեության վերլուծությունը ցույց է տալիս, որ բազմազան անձնային որակների մեջ կարելի է առանձնացնել հետևյալ առավել կարևորները⁹.

- **Ինքնուրույնություն,** որն ընդիմանուր իմաստով կարելի է սահմանել որպես մարդու ծգոտում՝ անձանք որոշելու իր կյանքի ուղին, ընտրելու գործնական նպատակները և դրանց հասնելու միջոցները: Անձի այդպիսի գծի առկայությունը հաջողության կարևորագույն պայմաններից մեկն է: Գործարար են դաշնում առաջին հերթին այն մարդիկ, որոնց չի գոհացնում վարձու աշխատողի իրենց դերը, ում պակասում է ինքնուրույնությունն իրենց աշխատանքում: Ա. Մասլովի հայեցակարգը հիշելու դեպքում կարելի է ասել, որ գործարարներն ինքնիրացման հատուկ արտահայտված պահանջնունքով մարդիկ են:
- **Հավակնոտություն,** որն ի սկզբանե օգնում է գործարարին՝ հաղթահարելու ցանկացած արգելք հաջողության ձանապարհին: <Ետաքրքիր է նշել, որ մարդկանց վերաբերմունքը տվյալ անձնային որակի հանդեպ մեծապես տարբերվում է տարբեր մշակույթներում: ԱՄՆ-ում դա գնահատվում է որպես առավելություն, իսկ Ռուսաստանում՝ ավելի հաճախ որպես թերություն, ծայրահեղ դեպքում նման մարդկանց մասին հաճախ քննադատաբար են խոսում: Այնուամենայնիվ, հավակնոտությունը, այսինքն՝ բարձր ինքնազմահատկանը և հաջողության նկատմամբ հավատը մարդուն հաղորդում է լրացուցիչ ուժեր և օգնում է հաղթահարել դժվարությունները:
- **Համառություն,** որը գործարարության համատեքստում նշանակում է հաջողության հասնելու համար հնարավոր ամեն ինչ անելու ցանկություն և հանուն հաջողության որոշակի գոհաբերություններ կատարելու պատրաստակամություն: Բիզնեսի համատեքստում համառությունը՝ համակցված նպատականվածությանը, դրսերդվում է նրանում, որ մարդն ապրում է իր բիզնեսով, մտածում դրա մասին:
- **Աշխատասիրություն,** որը, որպես անձնային որակ, լիովին բնութագրում է բիզնեսի աշխարհում հաջողակ շատ մարդկանց: Նրանք աշխատում են ոչ միայն այն պատճառով, որ ցանկանում են շատ փող վաստակել, այլ որովհետև նրանց դուր է գալիս աշխատանքի գործընթացը:
- **Դիմացկունություն:** Կյանքի դժվարությունների հանդեպ դիմացկունությունը և ձակատագրի հարվածներին դիմակայելու կարողությունը կազմված է երկու բաղադրիչից՝ անբարենպաստ հանգամանքների դեպքում չոգեզրկվելու ընդունակությունից և անհաջողություններից դրական փորձ քաղելու կարողությունից:

Ըստ Վիճակագրության՝ տասը գործարարից միայն մեկն է կարողանում հաջողության հասնել բիզնեսում, մյուսները ծախսովում են¹⁰: Թերևս դրա

⁹ Տես Щերբատիք Յ., Պսիխոլոգիա սպեհա. Մ., 2005:

¹⁰ Տես Организация предпринимательской деятельности. Под ред. Пелиха А. М., 2003 // URL: <http://www.bibliotekar.ru/biznes-41/92.htm>

պատճառներից են նաև գործարարի հետևյալ գլխավոր հատկությունները՝ կազմակերպվածություն, հաղորդակցման ունակություն, գործնականություն ու հաշվենկատություն, ներքնբռնում կամ իրավիճակի կանխատեսում, դիտողականություն, ինքնավերլուծություն, ձկունություն և բազմակողմանիություն, խելամիտ ռիսկ ու համարձակություն, ստեղծագործականություն, նպատակառողջվածություն, առողջ արկածախնդրություն, դիտողունակ ու հետաքրքրասեր միտք, իր և մյուս մարդկանց համար պատասխանատվություն կրելու հատկություն, պրագմատիզմ, վերլուծական միտք, առողջ կասկածամտություն, արագ դրոշումներ կայացնելու ընդունակություն, գերազանցության ծգուում, մրցակցության ոգի, նորարարություն¹¹:

Այսպիսով՝ ժամանակակից գործարարի անհատական-հոգեբանական հիմնական բնութագրերը թույլ են տալիս առանձնացնել հետազոտական մի քանի բլոկներ՝ ինտելեկտուալ, հաղորդակցային և շարժառիթային-կամային¹²:

Ինտելեկտուալ բլոկը ներառում է այնպիսի բնութագրեր, ինչպիսիք են իրագեկությունը (կոմպետենտություն), լայնախոհությունը, զարգացած ներքնբռնումը, վար երևակայությունը, ստեղծագործականությունը¹³, հեռանկարային մտածողությունը, երկարաժամկետ կանխատեսումը և ձկունությունը¹⁴:

Հաղորդակցային բլոկի հիմքը կազմում են հաղորդակցման ընդունակությունը, սոցիոբեկությունը, ուրիշների ջանքերն ուղղողելու տաղանդը, անձնական հնայքը, կոլեկտիվ ստեղծելու և դրանում ներդաշնակ մթնոլորտ ապահովելու ունակությունը, մյուս մարդկանց հետ շփման պատրաստականությունը:

Շարժառիթային-կամային բլոկի հոգեբանական բնութագրերից կարելի է առանձնացնել ռիսկի հակածությունը, պայքարելու և հաղթանակելու ծգուումը, ինքնադրսնորման և հանրային ձանաշման պահանջմունքը, անհաջողությունից փախչելու շարժառիթի համեմատությամբ հաջողության հասնելու շարժառիթի գերակշռումը, իրեն և ուրիշներին շահադրդելու պատրաստականությունը: Այս համատեքստում հատկանշական է, որ ավստրո-ամերիկյան տնտեսագետ, սոցիոլոգ Յ. Շումանտերն առանձնացնում էր գործարարական երեք շարժառիթը¹⁵: առաջինը տիրապետման, իշխանության, ազդեցության պահանջմունքն է, երկրորդը՝ հաղթանակի ծարավը, հաջողության ծգուումը մրցակցի և ինքն իր հետ պայքարում, երրորդը՝ գործերի ինքնուրույն վարման արդյունքում ստեղծագործական ուրախությունը:

Վերը ներկայացվածից բացի, արդյունավետ դեկավարմանը վերաբերող ևս մի կարևոր հատկանիշ է այն, որ հաջողակ դեկավարը միշտ պետք է կա-

¹¹ Տես Կաчества предпринимателя//URL:<http://businesstrack.ru/biznesnovosti/45-predprinimatel.html>; Личные качества предпринимателя//URL:http://www.russianbizness.ru/explain_business/lichnye_kachestva_predprinimateley/

¹² Տես Այմագանբետօվ Օ., Էկономическая психология. Алматы, 2006, էջ 80:

¹³ Հետաքրքրական է, որ Հարվարդում անցկացված՝ գործարարների ստեղծագործական ընդունակությունների վերաբերյալ հետազոտությունները ցույց են տվել, որ մարդկանց միայն 1%-ն է օժտված «բացարձիկ ստեղծագործական ներուժով»՝ կապված գործարարության ոլորտում ականավոր նվաճումների հետ: 10%-ն օժտված է «բարձր ստեղծագործական ներուժով»: Ուստինասիրվողների 60%-ն օժտված է «ստեղծագործական որոշակի ներուժով»՝ կապված գործարար զննունակությունների ոչ մշտական և նոյնիսկ պատահական դրսուրումների հետ: Մարդկանց 30%-ն ընդհանրապես հակված չէ զբաղվելու գործարարությամբ:

¹⁴ Այդ մասին ավելի մանրամասն տես Առքսյան Բ., Ценностные контроверзы предпринимательства // “Общественные науки и современность”, 1993, N 2, էջ 19–29:

¹⁵ Տես Շումպետ Й., Теория экономического развития. М., 1982, էջ 169-170:

բողանա հավասարակշռություն ստեղծել երկու ծայրահեղությունների միջև: Առավել հաջողակ գործարարների անձնային առանձնահատկությունների վերլուծությունը ցույց է տալիս, որ նրանց մեծամասնությունն օժտված է չորս գույգ որակներով, որոնք առաջին հայացքից թվում են փոխբացառող¹⁶.

- **Հավակնոտություն – համեստություն:** Հավակնոտությունը գործարարի կարևորագույն որակներից է, որը հաջողակ դեկավարին հաղորդում է այն էներգիան, առանց որի անհնար է հաղթանակը ժամանակակից բիզնեսում: Միաժամանակ, առաջնորդի համեստությունը դրսնորվում է այն բանում, որ նա իրեն չի վերագրում կազմակերպության բոլոր նվաճումները, հակառակ դեպքում ենթականերին կրվա, թե պետք պարզապես օգտագործում է իրենց: Պետք է նշել, որ ոչինչ այնքան չի ոգեշնչում աշխատողներին, որքան իրենց նվաճումների գնահատումը դեկավարության կողմից:

- **Ռազմավարական մտածողություն – ուշադրություն մանրութների հանդեպ:** Արյունավետ ռազմավարական գաղափարն այն է, ինչը տարբերում է հաջողակ ընկերությունը միջակից, ականավոր առաջնորդին՝ ուրիշի գաղափարները նմանակողից: Հայտնի շատ գործարարների գլխավոր ռազմավարական գաղափարն այն է, որ նրանք առաջնային են համարում ոչ թե իրենց ցանկությունները, այլ այն մարդկանց կարիքները, որոնք վճարում են իրենց ցանկությունների իրականացման համար: Այսպես՝ միմյանց հետ շփվելու մարդկանց ցանկությունը հանգեցրեց բջջային կապի ընկերությունների հարստացմանը, առողջության ձգտումը նպաստեց դեղագործական ընկերությունների կապիտալի աճին, իսկ զվարճալիքների ծարավը ծնունդ տվեց շոու-բիզնեսի արյունաբերությանը: Միաժամանակ՝ ձգտելով լայնածավալ մտածել, դեկավարը պետք է հասկանա, որ երբեմն ցավալի մանր գանցանքը կարող է կործանել ամենաահեղի ծերնարկությունը: Այդ պատճառով իմաստուն դեկավարը մտածում է նաև մանրութների մասին:

- **Խանդավառություն – ներքին հանդարտություն:** Խանդավառությունը հուզական վարակ է, որը ստիպում է կատարել աշխատանքային սիրանքներ: Մեծ նախագծերը չեն կատարվում միայն սառը հաշվարկի հիման վրա: Ապագայի հավատը, հաջողության հանդեպ վստահությունը, իր կազմակերպության համար հպարտությունը, համատեղ աշխատանքի ուրախությունն այն գործուներն են, որ նշանակալիորեն մեծացնում են կազմակերպության ռեսուրսները, ընդ որում, դրանք բխում են դեկավարից: Սակայն միայն զգացմունքներն ու հուզերը հեռաւ չեն տանի: Երբ ներշնչանքի և հուզական պոռթկման ժամանակն ավարտվում է, վրա է հասնում տրամաբանության և սեփական ուղղու ճշմարտացիության հանգիստ վստահության ժամանակը:

- **Ոիսկի դիմելու կարողություն – սխալներից օգուտ քաղելու ընդունակություն:** Գործարարության վարումն անհնար է առանց ոիսկի, այդ պատճառով ոիսկային արարքների հակվածությունը գործարարի առանձնահատկությունն է: Սակայն պետք է իիշել, որ ոիսկը լինում է արդարացված ու չարդարացված: Առաջին դեպքում մարդը պատրաստ է կատարել ինչ-որ գործողություններ անորոշության պայմաններում, եթե տեսնում է, որ հաջողության հավանականությունը բավական մեծ է: Իսկ եթե մարդը չի գնահատում անբարենպաստ իրադարձության հավանականությունը կամ գործը սկսում է հաջողության ժայրահեղ ցածր հնարավորությամբ, ոիսկն արդարացված չէ: Հետևաբար՝ գործարարը պետք է մի կողմից՝ կարողանա գնալ որոշակի ոիս-

¹⁶ Տես Щերբատых Ю., Պсихология предпринимательства и бизнеса, նշվ. իրատ., էջ 129:

կի, բայց, մյուս կողմից՝ նա պետք է լինի բավական իմաստուն ու զգուշ, որպեսզի ապարդյուն ռիսկի չդիմի: Անհաջողությունից ոչ ոք ապահովագրված չէ, ուստի գործարարի համար չափազանց կարևոր է իր յուրաքանչյուր բացթողումը հանգիստ վերլուծելու և դրանից օգուտ քաղելու կարողությունը, որպեսզի չկրկնի իր սխալները:

Հետաքրքրական է, որ տվյալ որակներից ցանկացածն իր զարգացնան ընթացքում վերածվում է թերության և միայն իր հակադրության հետ հավասարակշռության մեջ է ձեռք բերում ներդաշնակություն ու հանգեցնում հաջողության: Հետևաբար՝ որքան կարևոր է բիզնեսում հաջողությանը նպաստող անձնային հատկությունների ուսումնասիրությունը, նույնքան մեծ նշանակություն ունի հաջողությանը խոչընդոտող անձնային որակների վերլուծությունը:

Գործարարին հակացուցվող որակներն են հուզական անհավասարակշռությունը, ծովությունը, պասիվությունը, ներշնչելիությունը, չափազանց կատարողականությունն ու ճշտապահությունը: Թվարկվածներից վերջին երկու հատկություններն, ընդհանուր առմամբ, դրական են, սակայն այն, ինչ լավ է վարձու աշխատողի պարագայում, բացասական է գործարարի համար, ով ինքը պետք է իրեն առաջադրանքներ տա, այլ ոչ թե սպասի, որ ինչ-որ մեկն իրեն ասի, թե ինչ է պետք անել: Ճշգրտությունը լավ է հաշվապահի համար, բայց արագ փոփոխվող շուկայական տնտեսության պայմաններում ձկունությունը կայունությունից կարևոր է: Գործարարի գործունեությունը դժվարացնող ևս մի անձնային որակ է չափազանց զգուշավորությունը: Դրա առկայությամբ բիզնեսմենը շատ երկար կտաստանվի որոշումներ ընդունելիս և շատ դանդաղ կգործի, երբեմն էլ կիայտնվի պասիվության մեջ: Գործարարությունը միշտ ռիսկ է և գործողություններ՝ անորոշության պայմաններում¹⁷: Այդ հանգանանքներում ավելի լավ է գործել ու սխալվել՝ օգուտ քաղելով սխալներից, քան վախենալ ձախողությունը և ոչինչ չձեռնարկել: Մինչ բիզնեսմենը տատանվում է և մտորում, ժամանակը գործում է նրա դեմ. մրցակիցներն արտադրում են ապրանքներ ու գրավում շուկաներ, հարկային ծառայությունն ավելացնում է հարկերն ու տույժերը, իսկ շինությունների տերերը՝ վարձակալության վճարը:

Ամերիկացի գիտնական, հոգեբան, կազմակերպությունների կառավարման խորհրդատու Զոգեֆ Սթիվենսն առանձնացնում է մի շարք անձնային որակներ, որոնք խանգարում են մարդուն՝ ներդաշնակ ու հաջողակ ապրելու և գործելու: Նա դրանք անվանում է «դեսեր» («Վիշապներ») և ցույց տալիս, որ անձնային առանձնահատկությունները կարող են լինել մարդու համար և օգտակար, և վնասակար¹⁸: Այս հեղինակն այդ գծերի թվին է դասում, մասնավորապես՝ մեծամտությունը, որի հիմքում կարող է թաքնվել սեփական անօգնականության վախը, բացասական գնահատականի վախը կամ սեփական նշանակալիության մասին ուռացացված պատկերացումը: Մյուս բացասական գիծն անհամբերությունն է, որը դրսկորվում է ժամանակը կորցնելու վախի մեջ: Նման վախով համակած մարդիկ անընդհատ սրբային վիճակում են գտնվում, փորձում են շատ բան անել կարճ ժամանակահատվածում և ապրում են ապագայի մասին երազանքներով՝ չկարողանալով ապրել ներկայում: Այսպիսի մարդկանց վարքի արտաքին դրսնորումներից են նյարդայնությունը, կոպտությունը, ոյուրաքրքրությունը և շտապողականությունը որո-

¹⁷ Ст. у Завьялова Е., Постохова С., Психология предпринимательства. СПб., 2004, էջ 69-70:

¹⁸ Ст. Стивенс Дж., Приручь своих драконов. СПб., 1996:

շումներ ընդունելիս: Վարքի ներքին դրսնորումները կլինեն անհանգստությունը, խուզապի և կամակորության հակումները: Մարդուն խժող ևս մի «դև» է ազահությունը: Արտաքնապես դա դրսնորվում է եսասիրության, ժամանակության, չափության հակումներում և ուրիշի հարստության հանդեպ նախանձի մեջ, իսկ ներքին մակարդակում՝ զրկվածության զգացման և ընչաքաղցության ձևով: Զ. Սթիվենսը ենթադրում է, որ այդ գծերից լիովին ձերբազատվելն անհար է, բայց դրանք կարելի է «ընտելացնել» և գործածել սեփական օգուտի համար և ի շահ մարդկանց:

Անգլիացի հոգեբաններ Մայքլ Վուդկովը և Դեյվիդ Ֆրենսիլը բացահայտել են յոթ գլխավոր գործուներ, որոնք սահմանափակում կամ ոչնչացնում են գործարարի ստեղծագործական և նորարարական ընդունակություննեռը¹⁹:

ա. **Ծովություն:** Ստեղծագործությունը պահանջում է ժամանակ ու ջանքեր: Ժամանակը ստեղծագործական ջանքերին նվիրելու համար պետք է կարգապահություն, իսկ երբեմն էլ պահանջվում է հաղթահարել ձանձրույթը:

բ. **Կայացած սովորություններ:** Բոլոր մարդիկ ունեն շարժումների, աշխատանքի, շարժուձևի ու մտածողության կարծրատիպեր, բայց սովորությունները կարող են դառնալ ստեղծագործության թշնամիները:

գ. **Ավելորդ լարվածություն:** Ստեղծագործելիս մենք հաճախ ենք բախվում անվատականական ջանքերին: Լարված վիճակում գտնվող մարդիկ ջանում են հետևել իրենց լավ հայտնի կանոններին ու նորմերին, և դրա հետևանքով նրանց ուժերն ու էներգիան օգտագործվում են ոչ լիովին:

դ. **Թոյլ նպատակամղվածություն:** Ասում են, որ ոչ մի նշանակալի նվաճում չէր կատարվի, եթե չիներ փոփոխությունների գիտակցված ձգտումը:

ե. **Ամբավարար հնարավորություններ:** Պատմական շատ բացահայտումների հեղինակներն այնպիսի մարդիկ են, որոնք չեն կարողացել իրենց կյանքը նորմալ ապրել իիվանդության, բանտարկված լինելու, հեղինակությունը ժամանակավորապես կորցնելու պատճառով: Մարդկանց մեծամասնության համար նորմալ ապրել նշանակում է իրենց կյանքը լցնել առօրյա գործերով, որոնք կյանում են ժամանակի և ուժերի մեջ մասը. Նրանց կյանքում հազվադեպ են նորամուծությունների հնարավորությունները:

գ. **Ավելորդ լրջություն:** Ստեղծագործաբար ինքնիրացվելու համար հաճախ անհրաժեշտ է «խաղալ» գաղափարների հետ. Երբեմն որոնելի լուծումը գտնվում է ամենաարտաքոր ու անհավանական առաջարկությունների մեջ: Խաղային դիրքորոշման պակասը դժվարացնում է նաև շփումը շրջապատողների հետ:

է. **Վաստ մեթոդաբանություն:** Խնդիրների լուծման համապատասխան կամ արդյունավետ մեթոդի պակասը թուլացնում է ստեղծագործական ջանքերը: Ստեղծագործական գործընթացը կարելի է ուսումնասիրել ու վերլուծել անհրաժեշտ հնտություններ ձեռք բերելու և համապատասխան մեթոդներ գարգացնելու համար²⁰:

Բնականաբար, զուտ անձնային որակներից բացի, գործարարը պետք է օժտված լինի իր աշխատանքի ոլորտում հատուկ գիտելիքների, կարողությունների և հմտությունների համակազմով: Հասկանալի է, որ ֆինանսական

¹⁹ Տես Բյոկ Մ., Փրենսիս Դ., Ռաքրեպօջենի մենեջեր. Մ., 1991:

²⁰ Այդ մասին տես՝ նաև Ս. Օհանյան, Գործարարի անձնային-հոգեբանական առանձնահատկությունները // «Հանրային կառավարում», 2017, N 3–4, էջ 119:

գործարքների բարեհաջող կատարման համար գործարարին անհրաժեշտ են ֆինանսավարկային ոլորտի ու հաշվապահական հաշվառման նվազագույն գիտելիքներ: Եվ, այնուամենայնիվ, երբեմն դրանք որոշիչ չեն: Հաճախ է պատահում, որ գործարարը հատուկ գիտելիքներ ու կարողություններ է ձեռքբերում իր բիզնեսի զարգացման ընթացքում, իսկ սկզբնական փուլերում գործում է կամ բնագդաբար, կամ հրավիրյալ մասնագետների օգնությամբ: Այստեղ գլխավորը սովորելու և որակավորումը բարձրացնելու ցանկությունն է սեփական բիզնեսի կատարելագործման նպատակով, իսկ այդպիսի ցանկությունը վերաբերում է արդեն անձնային որակներին: Այսպիսով՝ ժամանակակից գործարարը, ամենից առաջ, իրազեկ, տաղանդավոր, ակտիվորեն գործող ու որոնող, արագ մտածող, շփվող, կամային, ոիսկի հակված և հաղթանակի միտված ստեղծագործ մարդ է:

Օգտագործված գրականություն

1. Սարգսյան Ա., Սարգսյան Ս., Հայրապետյան Ս., Հովականյան Յոլ., Նիկողոսյան Մ., Օհանյան Ս., Մալքյան Ա., Բիզնեսի բարոյականության և սոցիալական պատասխանատվության հիմնախնդիրները Հայաստանի Հանրապետությունում, Եր., «Անբերդ» մատենաշար, 2015:
2. Գրիգորյան Զ., Ղեկավարների աշխատանքի արդյունավետության հոգեբանական գործոնները // «Հանրային կառավարում», N 5, 2014:
3. Օհանյան Ս., Գործարարի անձնային-հոգեբանական առանձնահատկությունները // «Հանրային կառավարում», N 3-4, 2017:
4. Օհանյան Ս., Մալքյան Ա., Գործարարի անձնային որակները // URL: <http://media.asue.am/upload/Ohanyan.pdf>
5. Այմագանբետովա Օ., Экономическая психология. Алматы, 2006.
6. Առքսյան Բ., Վահագան Վ., Կառավարության համակարգեր. Երևան, 2017.
7. Օհանյան Ս., Գործարարի անձնային որակները // URL: <http://media.asue.am/upload/Ohanyan.pdf>
8. Առքսյան Բ., Վահագան Վ., Կառավարության համակարգեր. Երևան, 2017.
9. Վահագան Վ., Կառավարության համակարգեր. Երևան, 2017.
10. Վահագան Վ., Կառավարության համակարգեր. Երևան, 2017.
11. Վահագան Վ., Կառավարության համակարգեր. Երևան, 2017.
12. Վահագան Վ., Կառավարության համակարգեր. Երևան, 2017.
13. Վահագան Վ., Կառավարության համակարգեր. Երևան, 2017.
14. Վահագան Վ., Կառավարության համակարգեր. Երևան, 2017.
15. Վահագան Վ., Կառավարության համակարգեր. Երևան, 2017.
16. Վահագան Վ., Կառավարության համակարգեր. Երևան, 2017.
17. Վահագան Վ., Կառավարության համակարգեր. Երևան, 2017.
18. Վահագան Վ., Կառավարության համակարգեր. Երևան, 2017.
19. Վահագան Վ., Կառավարության համակարգեր. Երևան, 2017.

СОФЬЯ ОГАНЯН

Доцент кафедры философии и истории армянского народа АГЭУ,
кандидат философских наук

Личностный портрет предпринимателя: философско-психологический анализ.— Коммерциализация социальной жизни стала одной из основных черт модернизации современного постсоветского общества. В этом контексте формирующееся в РА предпринимательство не только социально-экономический феномен, но и личностный тип, который, являясь носителем своеобразной “философии”, наделен конкретными психологическими качествами. Изучение этих качеств представляет особый интерес для современной социально-психологической и экономической науки, поскольку с ними связана особая этика предпринимательства – система представлений и норм, которая накладывает на экономическую деятельность некоторые ограничения, которые не сопряжены непосредственно с экономической целесообразностью, эффективностью или доходом.

Ключевые слова: предприниматель, психологический портрет, личностные качества, руководитель, мотив.

JEL: Y8, Y80, Y9

SOFYA OHANYAN

Associate Professor at the Chair of
Philosophy and Armenian History at ASUE,
PhD in Philosophical Sciences

The Personal Portrait of a Businessman: Philosophical-Psychological Analysis.— The commercialization of social life has become one of the main features of modernization of the contemporary post-soviet society. In this context entrepreneurship, emerged in Armenia, is not only a socio-economic entity, but also a personality type, which, being a bearer of a unique “philosophy”, is endowed with certain psychological characteristics. The study of those characteristics is of special interest to contemporary socio-psychological and economic science, as they concern the special ethics of entrepreneurship – the system of perceptions and norms, which imposes some restrictions on economic activity, which aren't immediately related to economic reasonability, productivity or profit.

Key words: businessman, psychological portrait, personal qualities, manager, motivation.

JEL: Y8, Y80, Y9